

摘藻堂四庫全書薈要

史部

欽定四庫全書薈要卷八十二

史部

硃批諭旨卷一百四

硃批尚潔奏摺

廣東潮州總兵官

臣尚潔謹

奏爲覆

旨事竊

臣蒙

皇上命

臣口傳

諭旨與總督楊琳當即

陞辭星夜南行於九月十五日抵潮屬程鄉縣界接印
於二十一日抵省傳

旨督臣楊琳楊琳跪聆

聖諭感激涕零除督臣另摺謝

恩外臣謹將傳過情由恭摺上

聞至左翼鎮總兵移駐順德縣一事臣已傳

旨與督臣楊琳撫臣年希堯署提臣吳成龍侯公同安

議合疏另行具

題外相應一併聲明再

聖諭戰船一項臣至省時適值春江協平海營大鵬營
駕大修已竣戰船八隻到省臣隨

欽差兵部郎中圖理琛暨督撫司道諸臣一同登船閱
看船身器具皆堅固完整為此繕摺上

聞謹

奏

不可通同欺蔽即使爾闔省一氣共相隱瞞朕亦另有

訪聞之道凡百處但知有君而不知有友始不愧為國家臣子爾其欽承朕諭毋違

廣東潮州總兵官

臣尚潔謹

奏為據實奏

聞事竊臣查現行則例中總兵准食隨丁糧六十分臣從前因家口繁多於定例六十分外多收三十七分又潮屬九營向有四季節禮每節三百二十兩臣到任後只量收二節實為

國法之所不容今

皇上如天大德推心置腹臣若不以實情上

奏罪更難逭況蒙

聖恩不加罪責而惟以有則改之無則加勉諄諄

訓諭臣聞

命之下感激涕零一經接印視事即將三十七分名糧
盡行募補屬員節禮亦明張曉諭禁止惟有潔已
奉公精勤率屬操練兵馬緝盜安民以仰報

皇恩於萬一耳爲此謹

奏

類此瑣屑之事朕無暇計較但欲爾等實心爲國家出力做千年不朽之名臣良將是朕之所願也況潔已與否朕自有覺察亦不待爾陳奏頃於爾陞辭後聞人言爾素性少覺尚氣嗣後一切處當忍耐含容和平是務

廣東潮州總兵官臣尚濬謹

奏爲恭報年成事竊臣訪聞潮州夏禾今歲十分豐

收米價每石七錢八錢不等七月間雖有水患而
秋禾初插未至淹沒水退即滋生茂盛秋成加倍
至潮屬海陽縣水勢較大衝決隄防幸而潮州有
南北兩隄南隄關係四縣皆得完固北隄少有衝
決而出海甚近不至旁溢橫流田禾民舍俱不被
災惟近河數處之柴場草舍併傍岸之塘屋煙墩
不無衝壞今已經修葺其自程鄉縣經惠州至廣
州千有餘里秋禾皆十分繁碩合將臣所轄地方

年成繕摺奏

聞謹

奏

所奏知道了惟宜據實直陳不可絲毫粉飾

廣東潮州總兵官臣尚灤謹

奏爲敬陳管見事竊臣西秦下士奔走戎行有何知
識可佐

高深但事有若類瑣屑而實足以鼓舞軍心整齊營伍

者因不揣愚昧爲我

皇上陳之

一兵丁內之鎗手礮手宜予以進身之階也查軍器中鎗礮之用可以致遠故軍營火器從來最重今行伍內拔補把總惟取弓箭而鎗礮手每不得與臣歷任浙閩見營兵因弓箭生疎改調鎗礮則人人共恥甚至甘棄其糧而不食粵省亦然總因無上進之階也若令得與弓箭手間補把總得官

後亦令學習弓箭則自必朝夕操練施放有準而
火器倍精熟矣

一發回原任年滿千總之無須補用也查千總有
六年俸滿赴京考選之例其已經選取分發各省
補用者

皇上猶恐該弁廢弛弓馬技藝生疎仍令督撫諸臣再
加試驗不必盡拘部發名次題補現在遵行在案
臣竊思發回原任補用者其技藝已屬平常若再

加守候日久縱使補用不能保其不至廢弛頽惰
在

皇上念其效用有年不忍遽斥莫若加以守備職銜使
之榮身歸里則彼既仰沐

皇恩而營中得另拔技精年壯者以資操演庶軍旅倍
加振作矣如果臣言可採伏惟

睿鑒施行謹

奏

覽所條奏似乎得理總理事務王大臣會同兵部議奏
朕意不但鎗礮手當議卽水師營兵弁精熟長鎗挑刀
而弓馬生疎者亦當入議但我朝開國以來以弓馬爲
制勝之具若將各種技藝並重或恐軍士分心弓馬之
習不專耳可加意斟酌詳議具奏

諭尚灤知朕閱爾所奏二條甚屬有理已交發王大臣
會議矣發議時將爾銜名裁取留中以免年滿千總輩
日後致怨於爾也

廣東潮州總兵官臣尚濬謹

奏爲據實恭報年成以慰

聖懷事竊臣供職粵東已經四載粵省每年沐

皇上洪恩歲登大有以故地方衣食有資農商樂業山
無伏莽海不揚波近來潮州米價大斗每石不過
八錢鄰郡州縣貴賤雖畧有不同其價值相去亦
甚無多正二月間頗少雨澤吏民方事禱求乃甘
霖立沛東作皆興刻下已四野青蔥預卜豐年之

兆矣爲此恭摺奏

聞謹

奏

覽奏深慰朕懷但必無絲毫粉飾方免虛僞之咎據云
粵民衣食有資農商樂業若然因何盜案繁多耶戢盜
安民爲第一要著勉之

廣東潮州總兵官臣尚灤謹

奏爲恭繳

硃批奏摺叩謝

天恩事竊臣於本年四月間敬陳管見一摺恭報年成一摺荷蒙

硃批臣跪讀再三不覺感激涕零夫爲臣之道原係分毫不可粉飾

聖訓煌煌臣敢不夙夜凜遵粵東盜賊向來較他省頗多近來督撫提諸臣仰遵

上諭實力懲治稍知斂迹而臣所轄潮州一帶地方又

較他府似覺安寧今蒙

聖訓臣惟有益矢冰兢以緝盜安民爲第一要事至於
所奏二條

皇上硃批閱爾所奏二條甚屬有理已交發王大臣會
議矣發議時將爾銜名裁取留中以免年滿千總輩
日後致怨於爾也欽此臣自問何人乃沐

聖主體恤周詳一至於此雖捐糜頂踵不足報稱於萬
一也謹將

御批二摺恭繳伏惟

睿鑒謹

奏

知道了凡爾所奏無論允行與否皆不必疑畏但有見聞卽據實上陳可也

廣東潮州總兵官臣尚潔謹

奏爲恭繳

硃批叩謝

金
天恩事竊臣於雍正二年九月間恭繳

御批奏摺蒙

恩批發到潮臣叩頭跪讀感激難名伏念臣賦性愚蒙
妄陳末議自愧毫無裨益

聖主不加譴責已爲萬幸乃轉恐微臣疑畏

溫旨特頒併許但有見聞只管據實上陳格外

天恩古所未有臣恪遵

聖諭遇有見聞應奏事宜即行陳請以盡愚衷臣聞今

歲五月間廣州屬縣之增城龍門從化交界地方
緣山深水汊頗有盜賊出沒督撫諸臣現在嚴飭
文武會同擒緝今已次第就擒緣地方事宜既有
聞見不敢不據實奏

聞所有奉到

硃批理合恭繳謹

奏

所奏知道了此事據孔毓珣亦經奏過且云兵弁不無

帶傷云云

廣東潮州總兵官臣尚潔謹

奏爲恭請

聖安以伸孺慕事竊臣自雍正元年七月入覲
天顏經今三載眷戀殊深謹遣家人齎摺恭請
聖安以伸孺慕之私伏惟

睿鑒謹

奏

爾前於陞見時卽蒙朕之嘉許且爾之年力正好爲國家報效之時當勉之又勉慎之又慎不可絲毫放縱懈怠須努力做一千百年不朽之人物方爲不負朕之任用也

摺用黃綾殊覺可惜改用黃紙尚可物力當惜何必作無益之費敬君全不在此也

廣東潮州總兵官

臣尚灤謹

奏爲據實摺奏事竊查潮州地方因去年秋間田禾

成熟之候雨多溪漲未免歉收今歲入春以來陰
雨連綿青黃不接以致米價日騰每米一斗價銀
三錢二三分人心惶惑臣即會同在府有司將常
平倉穀一萬餘石糶米平糶臣復捐資差家人並
招商各處採買隨即降至二錢八九分一斗猶恐
未足接濟因具咨會商督撫二臣現在那撥隣近
惠州府長樂興寧二縣倉穀各五千石到潮平糶
將來米價自然可平今三月望後天氣晴和四月

初田苗全插又有番薯一種粵東以此作飯亦皆
發生將來民食自可無虞臣又恐貧民無錢糴買
終不免於懸釜之憂現在同有司捐俸煮粥賑饑
以推廣

皇上惓惓愛民之至意爲此繕摺據實奏

聞謹

奏

爾以管兵職任肯如此實心爲地方措畫朕甚嘉之既

爲封疆大臣軍民原係一體何分文武一切事宜自應和衷商酌爲之但須據實無欺言行相符不可徒粉飾於章奏之間以邀取嘉獎也

廣東潮州總兵官臣尚灤謹

奏爲恭繳

御批事竊臣於本年四月間恭請聖安一摺又報聞米價一摺荷蒙

硃批臣跪讀再三不勝奮興鼓舞伏念臣賦性愚魯幸

叨

教育得任封疆雖年齒壯盛圖報心殷而千百年不朽
之人物恐非駑駘下質所能企及然以

聖主期望之殷臣惟有努力奉行勉圖上進若夫軍民
一體文武和衷言行相符不可粉飾此尤官常之
要道臣已勒諸心版凜遵恪守以冀仰報

高深於萬一耳所有奉到

硃批理合恭繳謹

奏

不在空言只看力行何如耳

廣東潮州總兵官臣尚灤謹

奏爲敬陳末議事竊臣荷蒙

聖恩優渥報稱末由但才雖短淺志切急公凡關於
國計民生無不竭力圖維以期裨益故敢以芻蕘之
見爲我

皇上陳之一有案盜匪武弁與文員宜一體稽查一有

司朔望點查姦匪之法宜稍爲變通一有司給發
漁船牌照不必一年一換一漁船之作姦犯科宜
嚴行申禁以上諸條係臣一得之愚統祈

聖主睿鑒

敕部施行謹

奏

此數條俱當與督撫詳爲酌議內一二處朕意覺欠妥
協

廣東潮州總兵官臣尚潔謹

奏爲恭逢

聖壽懇

恩陞見以遂微忱事欽惟

皇上

法天行健

與日俱新茲逢

聖壽無疆正值

洪庥滋至普天忭慶率土歡呼念臣自雍正元年七月
陞見後於今四載犬馬私情時深依戀謹具摺虔懇
天恩允臣所請趨赴

闕廷則既伸慶祝之懷併得跪聆

聖訓俾山海要地一切機宜更有所遵循以爲鞏固巖
疆之至計曷勝翹切之至謹

奏

爾不必赴京但勤慎職守綏靖地方勝於頻來陛見也

廣東潮州總兵官臣尚濬謹

奏爲據實恭報年成事竊查粵東去年雨水過多春
苗有損秋收歉薄已經官倉平糶捐粟賑饑乃今
春雨澤愆期米價又長斗米需銀三錢幸至閏三
月二十六七等日大沛甘霖田禾未植者得以播
種已植者倍加茂盛督撫諸臣現撥廣西稻穀萬
石分給潮屬便民平糶米價稍減斗米二錢五六
分不等臣復與同城文武各官捐俸賑粥民困漸

舒兼撥高廉二府倉穀五萬石從海起運四月終
必然到郡當此青黃不接之時正資接濟而刻下
稻花徧秀四野青葱五月終便可登場是偶歉之
餘還成大有無煩

聖主南顧之憂也爲此據實奏

聞伏惟

睿鑒謹

奏

潮州情形早已知悉覽此奏朕懷稍慰

廣東潮州總兵官臣尚潔謹

奏爲恭繳

御批奏摺事竊臣恭請

聖安一摺又敬陳末議一摺俱荷

硃批臣跪讀再三十分惶悚夫人臣盡職當務力行不

在空言今

聖諭諄切惟有欽遵祇凜潔已奉公至於清積匪一議

緣彼時尚未聞奉

旨嚴行保甲之法故敢以未議瀆陳乃年來保甲既嚴

不過

少減耳盡化恐未必然

竊徒盡化凡屬將弁但使巡查防禦地方便可寧

閩廣

謐漁船一議芻蕘之見自不及從前酌定成規即

武弁

之貪風未革朕常耿耿於懷亟當竭力剔除

武弁需索所在仍有今現奉

言之似易斯豈易事耶

聖旨清查臣惟首先潔己併嚴飭將弁不許畧染絲毫

上負

國恩其摺中有一二欠妥協之處蒙

聖德如天恕臣愚昧不加罪譴臣雖捐糜頂踵難報

高深茲已奉

現今楊文乾在京候朕與伊面酌可否總之有治人無

旨與督撫二臣商酌皆謂惟恪守

治法若肯實力奉行何例非善政若仍徇私網利何善

聖訓便盡臣職不必再議施行矣理合具摺奏

政非弊藪惟以得人爲難事耳

聞併繳

硃批謹

奏

覽

廣東潮州總兵官臣尚潔謹

奏爲恭繳

御批奏摺事竊臣前奏奉行保甲盜即潛蹤事蒙
御批不過少減耳盡化恐未必然欽此愈見

聖不自聖治益求治之至意又

御批閩廣武弁之貪風未革朕常耿耿於懷亟當竭力
剔除言之似易斯豈易事耶

天語煌煌臣惟竭力奉行告戒屬員洗心滌慮屏絕苞

直以期仰遵

聖教當此

聖明在御若不思改心易慮以共勦至治亦何顏自立
於人世乎所有奉到

硃批理合恭繳謹

奏

勉之爾居官聲名甚好整理營伍訓練士卒諸凡實心
任事處朕皆知之但聞爾與文員多不相睦地方上文

武不和則於兵民無益大抵兵民官弁中善良之輩皆樂於文武和衷相安無事不肖之徒每不喜安靜從中播弄唆挑此一著須要看破方好毋被小人所愚且天下事果能恪秉一公斷無不和之理不和之故率因私心勝耳當竭力加勉朕觀武人多以尚氣自相矜詡此戎行中一大病也更當盡除此種鄙習勉之勉之

廣東潮州總兵官臣尚濬謹

奏爲恭繳

御批奏摺事竊臣謏劣庸材總戎東粵於今八載朝夕兢兢蒙

皇上不加擯斥

溫旨時頒曲示裁成如天覆育茲又蒙

硃批勉力實心四字已統包前聖誥誡人臣之旨臣雖識淺才疎敢不潔已奉公以仰承

聖訓之煌煌乎至據實覆奏一摺欽奉

硃批臣跪讀之下涕泗交零惟圖殫心竭力以上報

皇恩於萬一耳爲此恭繳

硃批伏惟

睿鑒謹

奏

凡所奏陳貴無欺隱少有增飾反失其真惟以據實爲要勉之

廣東潮州總兵官臣尚灤謹

奏爲恭報年登大有羣沾


聖澤事竊查潮州今歲入春以來風雨調順二麥收成
倍於往歲兼之番薯菜蔬俱各茂盛米價每石值
銀五錢茲屆春杪夏初早秧徧插四野歡騰行旅
無驚戶不夜閉爲此具摺據實上

聞謹

奏

風雨調順秧苗徧插深慰朕懷然必俟秋稼登場後方
可定一歲之收成

硃批諭旨卷一百四



總校官庶吉士臣侍朝

校對官編修臣馬啟泰

謄錄監生臣張桴

欽定四庫全書小會要

史部

硃批諭旨卷一百五十八

詳校官編修臣繆晉

欽定四庫全書薈要卷八千三

史部

硃批諭旨卷一百五

硃批楊鵬奏摺

雍正四年四月初二日山東沂州營副將臣楊鵬

謹

奏恭請

皇上聖安

朕安今用爾為南陽總兵矣所奏二事留中候酌定朕



是爾知己恩主爾知之乎衆人設計排陷復加叅奏朕俱不聽一見即以爾為可用不但不加罪譴而反格外超擢且爾曾蒙

聖祖知遇身受兩朝眷顧若稍有孤負舉頭何以對

天前任董玉祥聲名甚好爾接任後如少不及仰面何以對朕勉力為之凡百處據實無隱公勤辦事和輯兵民訓練營伍整飭塘汛殫心盡力以圖報稱毋令人竊議朕乏識人之明也

同日又

奏為奏

聞事竊臣查營汛墩臺之設有緝盜安民盤詰姦宄之責今東省每墩設馬兵二名步兵三名晝則瞭望夜司戍守誠不可一刻稍懈但查墩兵均係土著間有距家一二百里之外者茲隻身撥派責有攸歸何敢擅離汛守惟念熒熒兵卒既派斯墩其地勢情形加謹防範日久人地漸皆熟諳若復行更

換雖勞逸得均而新兵初至未必相宜且一兵所領月餉為數無多難堪兩地炊爨祇因墩臺原無兵丁家口棲身之所以致按年更易徒滋往返臣愚昧無知仰懇

皇上天恩請照山西墩房之例

敕下撫臣東省凡有大路墩臺地方除原有馬棚並公所營房二間之外每墩設法蓋造營房十間務必實力奉行修葺堅固寬大使兵丁眷屬棲止得所

該管營員擇兵之家口少者令其攜眷永遠居住
如此則有家室之安無兼顧之慮得以盡心巡防
不獨有便於墩兵亦且有裨於地方矣臣不揣愚
陋謬陳芻蕘伏祈

聖鑒施行謹

奏

此事當詳明該撫鎮細加斟酌具題請旨

雍正四年六月二十六日河南南陽總兵官臣楊

鵬謹

奏為恭謝

天恩敬繳

聖諭事雍正四年四月二十日跪接

硃批諭旨臣即望

闕九叩恭讀

聖諭不禁涕泗交流臣何人斯受此

隆恩雖粉骨碎身亦難圖報萬一竊思臣一介庸愚毫

無知識由干把微弁荷蒙

聖祖仁皇帝天恩於叅將任內即奉

特旨委署山西大同鎮印務彼時馬覲伯雖已陞補未經
到任緣臣賦性愚直屢因公事觸怒馬覲伯伊遂
設計排陷暗行叅

奏幸蒙我

聖主恩同天地明並日月不惟曲

賜矜全而且

隆恩疊沛補授今職伏念臣父子兄弟均蒙

聖主洪恩至於此極即木石猶知感動況臣具有人心
敢不力圖報效臣惟有凜遵

聖諭益加感奮潔已奉公無欺無隱竭盡犬馬血誠仰
副我

皇上格外委任之至意耳所有奉到

硃批原摺理合恭繳謹

奏

覽奏知道了勉力為之以副朕望

同日又

奏為請

旨遵行事竊臣荷蒙

聖主隆恩擢補南陽總兵官自入境之初經過臣屬營
汎見其隊伍旗幟皆舊敝不堪臣思旗幟為軍中
眼目若因仍舊習不為整頓非所以壯軍容而嚴
部伍也因查臣屬七營步兵缺少額設棉盔甲二

千六百零四頂副業經前鎮臣董玉祥

奏明將公費製造今已造成棉盛甲一千頂副現在

此係

爾酌量先後而行之事何必奏朕

分給各營臣愚請暫停盛甲之工查明各營隊伍

應需大小旗幟若干面即委員製造數月之內約

可全備造完之日復行補造盛甲統俟足額報竣

恭疏

無庸

具題

造冊咨部具摺奏聞可也

題明一並造冊送部查核臣因營伍起見可否准行

伏乞

聖主敕示施行抑臣更有

奏者臣到任後查閱案卷已獲未獲之盜案共計四十餘件現在報強報竊者不一而足揆厥所由皆因專汎文武官弁平日怠玩巡防所致臣隨飛檄各營將弁嚴飭巡防墩堡兵丁日夜巡查以期盜息民安但兵丁有守汎巡防之責而實無離汎遠緝之例必須文武協力清查盜源方克有濟臣已諄切咨會河南撫臣轉飭各府州縣勤保甲之稽

查嚴捕役之窩縱文武同心地方自享寧謐之福
如果有實力奉行之員著有成效臣當會同撫臣
另疏

題薦倘或因循懈怠臣即會同撫臣特疏
甚是

題叅此臣慎重地方管見是否妥協伏候

聖裁再查臣衙門從前親丁糧原係百分經董玉祥遵
照

恩賞之例減發四十分入於各營公費

奏請補造盔甲惟存馬步糧六十分此六十分之內
有馬糧四十八分歷來交代並無馬匹只有馬價

八百六十五兩因董玉祥那用無補

此項朕已寬免之矣

題請變產還項俟馬價送到之日臣即通查各官缺

額騎坐馬匹起文赴部請票購買以補原額再臣
既蒙

恩賞親丁糧六十分臣亦不敢全糜

國帑現有隨臣任所家人二十餘名頗曉騎射俱飭

令頂補實伍一例差操理合據實

奏明統祈

聖主睿鑒施行謹

奏

亦不可過於清苦取分內應得養廉朕不嗔責汝也

同日又

奏為恭報二麥收成上慰

天心事竊臣叨蒙

隆恩擢補總兵重任不獨軍務係臣專職凡地方年歲

情形理宜據實陳奏臣到任後隨查得臣屬七營

之南陽汝寧歸德三府並開封府新改直隸許陳
二州汝寧府新改直隸光州所屬四十九州縣地
方自春徂夏雨暘時若二麥收成咸稱豐稔米糧
價值甚平民無艱食之虞入夏以來又復甘雨時
霈秋禾秀發大有可期臣身列戎行睹此豐登景
象欣忭無似謹據實入

告上慰

宸衷伏乞

聖主睿鑒謹

奏

據奏二麥收成秋禾秀發朕懷深慰凡如此等奏報務
宜據實直陳若稍涉粉飾欺隱則為負朕也

雍正四年十月初九日河南南陽總兵官臣楊鵬
謹

奏為請均勞逸以收實效事竊照臣屬之平頭塚嶺
岢山在汝寧府遂平縣之西四十里實居本省之
中山非峻險徑路分明居民又皆土著無可藏姦
今汝寧營添設把總一員馬步兵丁三十名僅守
此山別無汎地巡防較之別汎一弁而兼管兩縣
中軍復司汎地者勞逸懸殊臣查汝寧營叅將之
中軍守備既有兵馬錢糧之責復予以巡防汎守
之司即使才堪肆應亦難分身兼顧臣愚請將平

頭塚之把總帶兵十名移駐汝陽縣其城內地方
仍屬中軍守備專防城外盡歸把總汎守其平頭
塚仍留兵丁二十名歸隸確遂把總擇委頭目一
名督率防範一轉移間汎守巡防地方各收實效
矣再查臣標右營所轄南陽南召當年原係兩縣
今雖南召歸併南陽地方實屬遼濶專責把總一
員不無綆短汲長之慮因查臣標左右二營存城
尚有千把二員請將南陽汎地責成千總而把總

專管南召汛務存城只留把總一員護送一應來
往差遣如此則勞逸得均而汛防有賴矣抑臣更
有請者臣屬汝寧營地當吳楚之衝歸德則山東
接壤陳州係江南連界襄城乃衝繁大道俱稱緊
要營汛若不親歷巡查猶恐布置未周伏懇

皇上准臣輕騎減從隨時親歷查閱庶官兵知儆營汛
整肅而宵小自必斂迹矣臣因營汛地方起見冒
昧陳請伏乞

睿鑒批示遵行謹

奏

所奏俱是其撥兵移駐等務與撫臣田文鏡商酌妥協
會疏題請可也

同日又

奏為恭繳

硃批諭旨敬陳下情事雍正四年七月二十五日臣家

人齎捧

硃批奏摺到臣跪讀之下仰蒙

聖訓周詳不啻耳提面命自當心體力行所有奉到硃批奏摺理合恭繳至臣前摺陳

奏前任鎮臣董玉祥所留隨丁馬糧四十八分蒙

天恩賞給養廉受

恩愈重報稱實難第查隨丁馬糧向無馬匹止存馬價銀八百六十五兩新舊交代厯有年所今董玉祥那用此銀已蒙

聖主矜恤洪仁

特恩寬免但思此項馬匹折價根由皆因新舊交收之際借此居奇指稱疲瘦老弱勒措刁難因照重價折銀以致永成流弊今若再動公費購買補額則將來交代弊竇復萌臣思既受

皇上隆恩擢補總兵重任隨帶辦差馬騾豈無二三十匹既係隨丁即應自備如遇差遣一例輪流且彼此俱行自備則新舊得免交盤既無缺額之馬不

受勒措之累倘蒙

聖恩俞允臣隨任現有馬騾二十二匹臣再購買二十

六匹以足四十八匹之數聽候遣調抑臣更有

奏明者查臣屬七營礮位寥寥無幾今臣謹捐造子

母礮四十位標下左右二營存留二十位荆子關

安設四位其餘十六位酌量分發各營險要處所

礮位缺少營汛安設教演均期施放純熟有備無

患庶稍資軍實而臣亦得盡犬馬微忱於萬一謹

具摺

奏明統祈

皇上睿鑒施行謹

奏

類斯等事只要所行是當而已朕不便批諭

雍正五年二月二十六日河南南陽總兵官臣楊

鵬謹

奏為恭繳

硃批諭旨敬陳欽奉緣由事竊臣前摺

奏請製旗幟捐礮位查營路分汛防種種愚忱荷蒙
聖鑒臣跪讀

硃批感凜益甚臣隨於封印之後輕減騎從秋毫不累
營伍親視地方險易就便操演兵丁技藝因巡至
臣屬之歸德府鹿邑縣地方與江南亳州接壤東
西大路延袤一百二十餘里係山陝通商要路其
間並無塘汛行旅往來無以防衛臣即飭令各該

營酌定遠近添設汛防三處臣因便道面商撫臣
令該有司修造兵舍墩臺庶晝夜防護有藉而道
路行旅自可無虞矣其餘或有應添汛防之處容
臣酌妥會商安設至於旗幟業已製造報竣分給
各營以壯觀瞻所有步兵盔甲未完之數現在仍
行補造其子母礮位臣已捐銀造就照前摺

奏明處所分給安設務期教演純熟有備無患統俟
盔甲造齊之日逐一分析造冊報部備案至南召

南陽平頭塚移緩就急等事臣已咨商撫臣尚在
委員查勘俟勘明妥確移覆到日遵

旨會題所有奉到

硃批奏摺理合恭繳謹

奏

聞爾聲名甚優勉之爾子楊琦朕面見時另降諭旨

同日又

奏為雨雪及時麥苗茂盛據實奏明上慰

聖懷事竊臣卽據臣屬各營將備報稱去冬得雪三次
每次約有五寸六寸不等俱皆入地足滋沾潤交
春以來復時得雨雪在地麥苗勃然興起及臣巡
視營汎果見臣屬地方二麥茂盛將來收成十分
可望田夫野者莫不懽愉鼓腹時豐歲稔兵民熙
皞理合據實奏

聞伏乞

皇上睿鑒謹

奏

覽奏雨雪霑足深慰朕懷爾等文武大員皆實心任事
能以忠誠感格

上蒼則地方自蒙錫佑之慶勉為之

雍正五年五月十二日河南南陽總兵官臣楊鵬

謹

奏為恭謝

天恩謹請

陛見以遂瞻戀微忱事竊臣仰沐

皇恩至高極厚自顧駑駘毫無報效夙夜捫心正切慚

悚臣子何人復蒙

召問

聖訓諄詳

賞賜緞疋更荷

天恩賜臣貂皮捧齋到署之日臣即率領臣子楊琦望

闕九叩謝

恩祇受訖伏念臣自山西老營營叅將叨蒙

特恩補授山東沂州副將赴京

陛見之後到任未幾旋奉

特旨擢補南陽總兵官自違

天顏將近二載戀

主之私時刻莫釋竊念南陽一鎮地居腹裏

京師咫尺往返非遙況路當孔道營汛繁多一切巡

防事宜臣方竭力整飭若不恭聆

聖訓恐未免措置失宜伏乞

聖恩准臣於十月初旬辦理軍政事畢馳覲

天顏跪聆

聖訓庶犬馬依戀之私得以少遂而臣一切職守亦得
有所遵從矣為此具摺

奏謝仰祈

恩允臣無任懇切待

命之至謹

奏

河南係腹裏地方無甚緊要今調爾湖北可速赴新任
竭力黽勉莫移素志毋負朕恩目今無庸奏請陞見爾
經見朕數次曾蒙詳細訓諭何必為此無益之往還到
任後遲三二年自命爾來京見朕也遵旨毋違勉之勉
之

同日又

奏為夏麥豐收秋苗茂盛上慰

聖懷事竊查臣屬七營所轄府州縣地方三月內雨澤
愆期地土微旱臣即虔誠祈禱於閏三月初三初
七初十等日連得時雨四野霑足及至四月雨暘
時若不獨二麥收成俱屬豐稔而秋禾更得播種
通計臣屬各營所報麥收分數實有八分以上禾
苗亦甚秀發將來可期大有理合據實奏

聞上慰

聖懷伏祈

皇上睿鑒謹

奏

如此方見留心地方從來武員每於田疇雨澤膜外視之殊不知兵民原屬一體文武大臣均有地方之責曷可漠然不顧所奏朕嘉悅覽焉

雍正五年九月十六日湖廣襄陽總兵官臣楊鵬
謹

奏為恭謝

天恩敬繳

硃批事雍正五年六月初六日跪接

硃批諭旨臣叩頭捧讀仰蒙我

皇上訓諭諄切不啻耳提面命更荷

賞賚香錠一匣榮幸彌深感激無地所有奉到

硃批奏摺理合恭繳伏念臣犬馬庸愚罔有知識荷蒙

聖主隆恩擢補南陽總兵寸長未效復蒙

特恩調補襄陽重鎮嗣接臣兄楊鯤家信又蒙

皇恩浩蕩擢授直隸古北口提督臣與臣兄自揣何人
均邀

異數

聖恩愈厚圖報愈難惟有交相誠勉永矢冰蘖之心共
竭駑駘之力以盡臣子當盡之職仰報

聖主難報之恩於萬一而已所有感激微忱理合繕摺
恭

謝伏乞

皇上睿鑒謹

奏

但照管自己一身為要交共等字皆黨援朋比之藉詞
乃朕所深惡者假如楊鯤一旦被譴則從而共怨交恨
乎果若此則不勝其株連矣凡如斯等小見皆不宜存
況未必發於真情亦未必能交相勸勉共矢公忠不過
虛文故套耳朕甚厭覽

同日又

奏為請復拔補千把舊例以收實效事竊臣查從前
拔補千把除武舉功加之外例由食糧目兵遴選
考補或以本營之目兵即拔本營之把總考補本
營之千總或以本鎮協之目兵即拔本鎮協之把
總考補本鎮協之千總蓋緣生長於斯厯有年所
風土情形無不深悉縱有匪類託足不難搜捕駕
輕就熟得展所長今奉部文內開嗣後考定拔補
之後即調別營一員與之對換其現在之千把總

亦應各就近營漸次換易等因遵照在案茲臣荷蒙

皇恩調補襄陽竊見對換千把絡繹不絕或隔數百里之遙或越千餘里之遠奔馳道路資斧維艱父母不能搬移妻子不能攜帶不惟歲時伏臘嗟無聚首之期偶遇暑濕風寒鮮有親信之託雖云公爾忘私未免內顧多憂不能專心供職且千把之設原以資巡防而衛民生貴乎人地相宜若對換之

弁乍到一營不諳汛防之險易不識道里之遠近
萬一地方有事勢必措施鮮當顧此失彼貽誤良
多臣不揣愚昧仰懇

聖慈請嗣後拔補千把仍循舊例停其對換不特未弁
得免奔走跋涉之苦而於防範巡緝大有裨益矣
是否有當伏乞

皇上睿鑒施行謹

奏

此奏不是矣國家政令豈宜朝行夕改營弁對換亦未必盡皆千餘里之遙汝懷邀譽之心具此一偏之論俾恩歸於已則怨將誰歸況此事係大員條奏經九卿定議然後施行今據汝一介武夫市小惠而不顧大體之奏遂爾更改成例可乎若又不慎密致令無知微弁羣懷怨望則恐汝禍不旋踵也

雍正五年十月二十九日湖廣襄陽總兵官臣楊

鵬謹

奏為凜奉

聖諭恭謝

天恩事雍正五年十月二十四日臣家人齋捧
硃批奏摺到臣臣叩頭跪讀仰見

聖諭煌煌諄詳訓示臣目覩心驚血淚交并自悔自責
悚惶無地伏念臣螻蟻末質疊荷

皇上異數隆恩無可仰報是以苟有管見即行

奏請蓋緣臣年六十六歲已及桑榆智昏識短思慮

不周以至有無知妄舉不顧大體之

奏罪無可寬悔懼無及但臣一介戎行實無力延請
幕友事事皆臣具草惟因目昏字拙故囑臣婿薰
沐代書何敢一字漏洩自蹈不謹之罪茲蒙

聖主洪恩諄切垂訓臣惟有益加兢惕夙夜小心凜遵
天語無敢稍懈以圖仰報萬一耳所有奉到
硃批奏摺理合恭繳伏乞

皇上慈鑒謹

奏

覽爾情詞已悉調換千把因定例攸關朕嚴行批諭係
出一時之見隨於各處訪詢知爾所奏頗屬有理前諭
錯責汝矣候另有旨

雍正六年五月十六日湖廣襄陽總兵官臣楊鵬
謹

奏為仰懇

聖恩賞准入籍事竊臣本籍山西因臣父殉節江右臣

隻身隨寡母流寓江南即寄籍江寧投營効力及
今四十餘年由千把歷蒙

皇恩擢授今職臣於山西江南素無家產履任以後以
官為家亦未謀及田宅惟在湖南長沙守備任內
十有六年因無衙署積俸銀一百五十兩置得房
屋二十餘間不意十六年之中臣之妻子女媳相
繼淪亡皆寄厝長沙伏念我

皇上寬仁厚澤何在不

曲體矜全犬馬私衷皆得自達臣故不揣冒昧據實叩
懇如蒙

聖恩賞准入籍長沙俾臣得遂家室之謀復免搬移之
累則生生世世子子孫孫永沐

天恩於無量矣為此繕摺

奏懇伏祈

聖明恩鑒施行謹

奏

爾今現任湖廣入籍長沙之請不便准行似此奏請者
不一朕俱未允准況爾弟兄同氣亦未有異籍之理此
事當與爾兄楊鯤商酌而行

雍正七年閏七月十二日湖廣襄陽總兵官臣楊
鵬謹

奏為夏麥豐登秋成大有據實奏明上慰

聖懷事竊臣叨沐

隆恩畀以封疆重任軍務之餘惟宜勤求民隱仰慰

宸衷查得臣屬六營所轄襄郡七州縣地方自春徂夏
雨暘時若農事維勤播種及時二麥已獲豐收萬
民咸歌樂歲交秋之際雨水愆期仰荷

皇上至誠感格隨求隨應時雨頻施粟穀雜糧現今俱
已豐收其晚稻業已成實野老田夫懽愉鼓腹但
聞襄陽以南秋禾微旱然米價尚平理合據實陳
奏伏乞

皇上睿鑒謹

奏

覽奏知道了

汝兄楊鯤豈有如此負恩之理朕實愧於諭汝向時知遇寧不可惜汝當追念祖父深自奮勵毋效汝兄玷辱先人顏面也

同日又

奏為徵臣受

恩深重乞效犬馬稍慰下悃事竊臣駑駘末質樗櫟庸

材屢蒙

皇上殊恩不次超擢即捐糜頂踵何能仰報

高深茲於本年閏七月初四日接准湖廣署提臣岳超
龍來咨為欽奉

上諭事並諸王大臣議覆奏摺臣恭閱之下知噶爾丹
策凌兇頑無狀逆

天背理恭承

聖諭熟慮深思允宜命將興師滅此小醜俾衆蒙古俱

得安生伏念臣一介武夫荷蒙

聖恩畀以封疆重任今當臣民爭思效力之際臣何敢
優游內地安享虛糜況臣有長子楊世春係候補
守備隨臣任所幫辦事宜值此軍興之時邊陲要
地不無轉運軍糈調度兵馬之任懇祈

天恩命臣移調西北邊隅之區容臣隨帶長子世春前
若有仍須汝之籌畫處朕何敢輕舉此事
往或可籌畫一二少盡微臣報

主愚悃於萬一更有請者臣有次子楊琳由武進士叨

列侍衛雍正三年蒙

皇上恩授廣東南澳遊擊繼調韶州歷任四年其才其
一者溺愛不明人之通病二者子之於父儼如臣之於
守臣可自信更有臣季子楊琦原食糧於長沙撫
君保無掩其所短而著其所長才守二字何可確信
標身充戎旗千總臣看其性本愚鈍但隨臣任所
猶熟習弓馬是以雍正五年臣特令其齎摺赴

闕仰懇

聖主賞一差使當蒙

召問

恩賜緞疋且邀

聖諭命臣訓其成人聽聞之下感泣涕零此兩子者均屬年富力強正堪驅使懇祈

天恩於此番兩路進兵之會

恩允將臣兩子

所請不必無可派用處
賞派隨師征勦稍盡犬馬之力則臣幸甚臣子幸甚矣

為此繕摺請

旨臣不勝懇切待

命之至謹

奏

覽

同日又

奏為敬陳一得之愚仰祈

聖明採擇事竊念兵丁以技藝為先行軍以火器為重
茲當用兵之際已久蒙

皇上睿慮深思練以雷車濟以火器誠大有裨益於軍

旅者也楚地兵馬柔弱大非秦晉壯健可比惟藤
牌之設繪以虎豹之形步武有方進退有則逆兇
所恃者馬若出其不意跳舞旋繞賊馬見之必皆
驚竄後以鳥鎗繼進無不以一當十也藤牌之技
以閩粵為最今臣所屬六營亦時加操練臣思軍
中征討之時藤牌實制敵之要具不知軍前現在
殊屬可笑之論
備辦否故不揣鄙陋奏明

皇上此番用兵或於閩粵湖廣等省揀選數百名派入

步軍火器之內酌委熟諳藤牌之員董率前往況
西北地方多係曠野旋繞跳舞奮勇爭先想賊馬
俱令奔潰後續當如何措施耶見之自必驚潰或可稍有裨益於行陣也是否允
協伏乞

睿鑒施行謹

奏

洵為大笑談果係年老昏憤乎汝其據實奏朕知之

雍正七年九月二十四日湖廣襄陽總兵官臣楊

鵬謹

奏為遵

旨據實奏

聞事竊臣家人齎摺回署臣跪讀

硃批荷蒙

天語下逮開示愚蒙臣敬誦之下豁然省悟不惟我

皇上以鄙陋之見為可笑即臣亦自覺無補愧悔莫及

且蒙我

聖主寬厚殊恩不即罷斥

諭臣據實奏知臣益感激涕零悚惶無地但臣年及桑榆才庸識短心餘力絀思慮不周誠如

聖諭年老昏憤也惟念臣自雍正三年蒙

皇上特授山東副將引

見之後叩違

天顏又經五載戀

主之私時刻莫釋茲泣求

聖主格外天恩容臣再得瞻

天仰

聖俾犬馬依戀之心得以稍遂至臣兄楊鯤荷蒙

皇上逾格擢用上負

天恩罪無可逭臣惟凜遵

聖訓竭蹶駑駘循分供職斷不敢稍效臣兄苟存不肖之心仰負

聖恩身罹

國法并無以見臣祖父於地下臣不勝戰兢悚惕之至伏乞

皇上慈鑒施行謹

奏

所慮者汝精神不佳或致貽誤職守若猶可支持朕所願也何必來京陛見徒為無益之往返如實覺有衰邁龍鍾光景據實奏聞朕保護汝完名全節不亦美歟然進退二者務宜自信無欺固不可圖一己之清閒而虛

負國恩又不可強勉支持曠誤公事貽笑同官并見譏於屬員也總宜量力為之

雍正八年正月初七日湖廣襄陽總兵官臣楊鵬

謹

奏為恭謝

天恩據實陳情事竊臣家人齎捧奏摺到鎮仰蒙

皇上恩諭諄切周詳不覺涕淚交并感激微悃實非章

奏所能陳達竊臣一介微末蒙我

皇上知遇隆恩拔於排陷之中畀以總兵之職是臣以
負罪之末并遭逢格外之

殊恩厯蒙

優擢年齒將屆七旬揆之臣心更何不足但勉強竊祿
臣固不敢若力可支持借故圖安臣實不忍今蒙
皇上恩諭進退二者令臣量力為之臣若不據實直陳
是全無人心者矣臣當年於守備任內奉差苗疆
地方右臂曾受風濕邇來年及桑榆不能張弓挾

矢但臣精神尚健於操練兵丁約束將弁巡查地方臣雖不敢妄自矜詡而自揣儘可支持臣惟益加勤慎勉力供職以期仰報

天恩於萬一若至臣力實有不能之時斷不敢貽誤地

方立即據實入

告再臣犬馬戀似此煩瀆朕殊不解前摺批諭甚明何乃復請況年邁

之人經風霜勞碌精神未免傷損但能勉盡職守遵朕

主之私寢食寤寐實難稍釋更祈我

皇上俯憐臣無已之情容臣仰觀訓誨實力奉行將所聞所見一一秉公入奏勝於面朕

多矣
天顏庶臣微忱獲遂生生世世銜結

洪恩矣為此據實直陳伏乞

皇上睿鑒施行謹

奏

覽

硃批諭旨卷一百五

欽定四庫全書薈要卷八千四

史部

硃批諭旨卷一百六

硃批張善奏摺

雍正六年十一月十一日山西大同總兵官

臣張

善謹

奏為恭謝

天恩敬請

陞見事竊臣蒙

皇上天恩畀以山西大同總兵重任於雍正六年十月二十二日抵任當即恭疏叩謝

天恩任事外伏念大同為邊陲要地總兵責任匪輕所有應行事宜雖勉竭駑駘次第料理但臣識淺才微其於撫輯兵民一切機宜必得親承

聖訓庶幾有所遵循伏懇

皇上恩允容臣減從輕騎趨赴

闕廷跪聆

天語不惟巖疆重寄得以措置合宜而犬馬戀

主之忱亦得以少慰矣為此繕摺奏謝

天恩所有臣瞻戀下悃懇請

陛見情由相應一併請

旨伏乞

皇上睿鑒施行謹

奏

爾方到任未久且不必來京地方營伍一切事宜周知

後於明歲春夏間再行請旨可也

雍正七年正月十九日山西大同總兵官臣張善

謹

奏為籌補軍器事竊臣自到任以來一切應行事宜俱在次第料理而操練兵馬整飭營伍之處尤關首務查臣標下三營及協路各營旗幟帳房新舊參差鑼鍋鋤鏹多有不備細詢其故緣營伍軍器一有缺損例應於公費銀內即行補製而大同鎮

屬三營並協路十四營汎共止留公費糧五十三
分除各營路每年奏銷兵馬錢糧冊籍紙張領餉
盤費等項之外所餘無幾此外無項可動是以上
下相因不行補造今估計補造帳房鑼鍋鋤鏝及
大小旗幟等具共需銀八千三百九十兩零臣查
有前任鎮臣祖秉衡具奏大同教場地租並助馬
得勝二路交送總兵衙門餵馬穀麥請充積貯每
遇青黃不接減價平糶以濟兵丁雍正五年六年

分穀麥業經減價給兵易過價銀一千八十兩零
現在存貯買補又前任鎮臣祖秉衡具奏清出各
營路地畝餘租易價銀二千二十八兩零奏請製
造各營路步守兵丁棉甲均蒙

俞允准行在案臣愚以為濟兵造甲亦屬急公但大同
地方上年收成頗好兵糧無庸接濟至製甲之請
原為營伍壯觀然較有關實用之軍器尚在可緩
請將祖秉衡奏准積貯餘租造甲二項動用易價

銀兩先製造旗幟帳房鑼鍋鋏鑊等項以裨實用
俟此項製造完備再請補製棉甲除動用積穀餘
租易價銀三千一百九十兩零尚不敷銀五千三
百三十兩零仰懇

聖恩准令臣在山西司庫銀內暫行借支製造其司庫
懸項銀兩准於積貯穀麥并餘租銀內以雍正七
年秋收後起勻作二年變解司庫還項倘蒙

恩允則營伍軍需實有裨益矣是否有當伏乞

皇上睿鑒批示遵行謹

奏

所請候交廷議積貯棉甲二項與旗幟帳房之應緩應
急要在權其先後而次第為之也

雍正七年三月初八日山西大同總兵官臣張善
謹

奏為犬馬戀

主情殷恭請

陛見以展微忱事竊臣於去歲繕摺奏請

陛見仰蒙

皇上硃批爾方到任未久且不必來京地方營伍一切事宜周知後於明歲春夏間再行請旨可也欽此欽遵臣將應行事宜及奏請製造旗幟帳房等項俱已次第辦理至前派大同營路解陝軍需馬匹並大同官兵領解右衛旗兵馬匹今准山西撫提二臣來文令臣派撥官兵解交陝西臣遵照派定官

兵俱已分運解送訖仰懇

天恩容臣減從輕騎赴京

陛見瞻仰

天顏跪聆

方畧俾巖疆措置有所遵循而戀

主微忱亦得少抒於萬一矣為此具摺請

旨伏乞

皇上睿鑒俯准施行謹

奏

目下有派撥兵弁諸務須汝在任料理候至秋間有旨
雍正七年三月二十日山西大同總兵官臣張善
謹

奏為

聖恩高厚難名臣心仰報彌切懇請隨師進剿以申報
效微忱事竊臣接奉部文派選臣屬老營營叅將
呂瀚河保營叅將陳昇管領車騎營兵丁限五月

二十五日以前到京臣遵即轉行現在料理至期起程外伏念臣生長西邊歷任川陝屢隨總督臣岳鍾琪克取西藏征勦青海其塞外行營諸務頗知大概今值用兵之際正臣效力之時安敢尸位素餐不思報稱謹繕摺籲懇伏乞

聖主恩准所請或令臣由何路領何處官兵或准臣隨師一同進勦以盡職分以攄犬馬報效之悃臣無任悚惶待

命之至為此繕摺請

旨謹

奏

無庸奏請凡事遵承朕之訓諭而行

雍正七年閏七月十八日署理陝西固原提督印
務總兵官臣張善謹

奏為恭謝

天恩事竊臣荷蒙

聖旨調臣

陞見即命臣署理陝西固原提督印務驚聞

寵命感懼交加又蒙

皇上隆恩賞賜孔雀翎絨纓帽一頂見臣眼疾即

賞賜洗眼藥方著太醫院為臣療治臣冒昧以私情妄

瀆即蒙

聖恩准給臣曾祖父母一品

誥封臣子鵬翮更蒙

天恩賞列藍翎侍衛又於臣

陛辭請

訓之日荷蒙

教誨諄切指示周詳復

賜臣紗袍紗褂火鑪鼻煙荷包饅饅果乾各一匣伏念

臣邊鄙庸材毫無知識欽承

皇上如此殊恩是皆古今臣子不世有之奇遇而在微
臣更為夢想所不敢望者清夜自思感激難名惟

有凜遵

聖訓黽勉自勵盡此愚誠不敢稍存欺飾竭蹶供職以

冀少答

天恩於萬一耳所有微臣感激蟻悃理合具摺

奏謝伏乞

睿鑒謹

奏

柔善巧詐之轍萬不可蹈徇人欺主之事萬不可為能

此方不負朕格外恩遇亦係保全聲名之正道若心稍
瞻顧行小惠以沽虛譽或枉法徇情因私廢公被朕覺
察決不輕恕汝也勉力為之

同日又

奏竊臣於七月初一日叩辭

闕廷於初二日自京起程出居庸關由宣府至大同渡
黃河經延綏沿邊一帶抵固原數千里在在雨暘
時若禾稼豐美農工商賈各安生理莫不仰頌

皇仁羣歌樂利臣目擊歡戴情形不勝雀躍理合一併具

奏伏祈

睿鑒謹

奏

凡如此等之奏不可粉飾浮詞圖美觀聽類斯習氣甚屬無味總務一真誠為要誌之

同日又

奏為奏

聞事竊臣欽奉

聖旨命署固原提督印務到任之後即將一切應行事
宜次第料理所有陝省召募兵丁臣已遵照寧遠
大將軍臣岳鍾琪照會數目飭行標協營路將備
各官務募年力精壯技藝嫻熟之人勤加訓練臣
不時合操期成勁旅以盡臣職其應需馬匹鑼鍋
帳房等項另咨督臣購辦再陝省官員署任者多

昨臣赴任一路凡有接見之員臣仰體

聖意面加教訓必期實心竭力仰報

皇恩此中倘有貪黷乖張不肖之員臣即咨會督臣

題叅必不少徇情面至於固原提標營中事務據臣

標中軍摺開營中前存一切錢糧已經前任提督

路振揚將用過銀數

奏明止下剩銀七百五十三兩零現在營中收貯等

情臣遵

旨復加細查前任提臣路振揚莅任三年謹慎小心營務無悞其一切用過錢糧既經

奏明無庸臣再具

奏合併奏

聞謹

奏

路振揚除操守之外一無可取巧詐不實鄙劣人也

硃批諭旨卷一百六